

سنه : ۱

۱ کانون ثانی ۱۳۴۰

صافی : ۴

# محراب

افهونی ، اجتماعی ، فلسفی ، تاریخی ، ادبی مجموعه در  
شیمدیلک اون بش کونده نشر اولونور

## مقدمه جات :

|      |                                        |              |                   |
|------|----------------------------------------|--------------|-------------------|
| ص ۹۰ | یاشامق ایچون                           | « مصاحبه »   | مصیبه شمه         |
| ۱۰۰  | قینالی زاده علی اقدسک « تربیه » تلقیسی | « تربیه وی » | یوسف ضیا          |
| ۱۰۶  | مثل اعلا                               | « کلامی »    | شرف الدین         |
| ۱۱۰  | بر داملا                               | « ادبی »     | محمد صرغی         |
| ۱۱۹  | عالم معنوی وعالم اخروی                 | « تصویری »   | مصیبه شمه         |
| ۱۱۴  | قرغزل                                  | « تاریخی »   | ملکی ضیا          |
| ۱۱۸  | شهاب الدین سهروردی                     | « فلسفی »    | یوسف ضیا          |
| ۱۲۱  | حی بن یقظای                            | « رومان »    | رشد               |
| ۱۲۶  | بو کوندن دونه                          | « شعر »      | مصیبه عالی        |
| ۱۳۱  | کرکل یوواسی                            | « شعر »      | قدیریه مصیبه      |
| ۱۳۶  | چامایجه ده بابل                        | « شعر »      | فخر الدین عثمانیه |
| ۱۴۱  | نشرین مصر اعتری                        | « شعر »      | شرف لاکظم         |
| ۱۴۶  | آوجی                                   | « شعر »      | حبیب فاضل         |
| ۱۵۰  | مینى مینیمه                            | « شعر »      | محمد رشیدی        |
| ۱۵۴  | غزل                                    | « شعر »      | محمد صرغی         |

## عالم معنوی - عالم اخروی

حکیم سنائینک : آسمانهاست در ولایت جان  
کار فرمای آسمان جهان  
در ره روح پست و بالاهاست  
کوههای بلند و صحراهاست

ابیات عالیله سیله کشف و بیان بیوردینی کیبی شو مشاهده ایتمکده اولدیغمز عالم عناصر و طبایعدن باشقا حقیقه بر عالم امر و ملکوت واردر که او ؛ بر ولایت جان و اقلیم غیبره . او عالم اکبرک گوکاری ؛ آسمان جهانیه حکمفرمادر . اوساحه معنویه کی روحک گذرگاهنده آلحاق و ادیلر بوجه تپه لر ، یوکسک طاغلر و دوزاووالر بولنور . و چشم باطنی ژنک آلایش دنیویدن تمیزلنمش اولان اصحاب صفایه کورینور . ثبوت ، او عالم غیب و معنوینک باشقا بر ابروآبی ، باشقا بر آسمان و آفتابی محققدر لکن بونی آنجق ارباب و اصحابی بیلیر . دیگرلری بو خلق نورانیدن بی خبردر . مخبر صادق علیه الصلوة والسلام اقدمزک دلائل سمعیه ایله اخبار بیوردقلری امور اخرویه دخی بو امور غیبیه و معنویه دندر . ملک ، احوال عالم برزخ ، صراط ، میزان ، سؤال و حساب ، حوض ، جنت و جهنم کی حقیقتلرینه اعتقاد ایتدیگمز و کیفیتلرینی فهم و ادراک ایلیه مدیکمز مستخبرات قرآنیه و معتقدات اسلامییه نک ماهیات و حقایق دخی او عالم فسیخ معنوینک عجائب شئونات و حادثانندندر . بو حقایقک کیفیتاتی بر انسانلر ؛ شو استعداد و قابلیت حاضره من ایله ، شمدیکی تربیه و کیفیت علمییه من ایله ادراک و استکناه ایدمه من . ادراک معالی بوکوچوک عقلمزه کرکز و ترازوی عقولمز بو قدر ثقلی طارتماز و بودرجه قیسه اولان مقیاس ادراکمز او قدر درین مسائلی اولچمز . فقط او مستخبرات غیبیه حق و صادقدر . انسانلرک بتون تعقلات و ادراکاتی ، تدقیقات و محاکماتی ؛ محاط بولندقلری عنصریات و مادیاتک ، مشهودات و محسوساتک متقاد و محکومیدر . بشرک دماغی تشکیل ایدن ، تأثیریه رام ایدن شو احوال و خواص عنصریه و قوانین طبیعیه دکیشنجه ؛ شو اجسام طبیعیه مرئیه و اشیا محسوسه نک ماهیات ، ترتیبات و ترکیباتی و الحاصل بتون تشکیلاتی تبدل و تغیر ایدنجه ، استعیدباه [ یوم تبدل الارض .. نظم جلیلی مقادی اوزره ، عالم عنصریات و طبایع اولکی ترتیبات و تشکیلاتک ضدنه اولارق تحول

ایله دیکی وقت شه سزدر که اولیه بر محیطک باثیرات و ایجاباتنه کوره بشرک اشیا و احوال حقنده کی شعور و محاکاتی ، تلقیات و نتائج تدقیقاتی دکیشر ، اشکال و محیط جدیده کوره ادراکات و تلقیات ایدینیر . حضرت ابراهیم خلیل الله نارك نور اولسی ، و بتون انبیای عظام حضرتانک و خصوصاً نبی اعظم صلی الله علیه وسلم اقدامک خوارقما اولان معجزاتی باهره لری و اولیاء کرامک کرامات علیه سی هپ او عالم معنویدن برر پارلاق نشانه و قوانین طبیعی بی ایجاد و اداره ایدن خلاق بی مثالك ؛ ایستدیکي زمان او قوانین و خواص طبیعی بی تحویل ایدم بیله جکنه برر آچیق نمونه در لاحول و لا قوه الا بالله العلی العظیم .

مولینا جلال الدین رومی قدس سره السامی حضرت تلرینک بیوردینی کی عالم عقی حقنده کی سمعیات و منقولات شرعی بی اکر عقلک ادراک ایدم میورسه ؛ بو عجز و قصودی ، نه او بیانات الهیه ده ، نه ده امور اخرویه ده دکل سنک عقل و عرفانک مدار استناد و استکناهی اولان خواص و قوانک عدم کفایه سنده آrame لسین . حقیقه بزم بشری اولان معیار ادراک و مقیاس عرفانمه او ایمان حقایق دینی بی همان اولیه جف القلم انکار ایتک پک احتیاطسز و پک جاهلانیه بر حرکت اولور . چونکه بو کونک مه تافیزیقی یارینک فیزیقی اولاییلیر . ناصل که شمیدیکي تلقیات و ادراکاتمه یعنی دماغمزک تشکیلات حاضره سنه کوره اجسامده بعد رابع تصور ایدم میورز بعض حیوانات ؛ دخی دماغنک تشکیلاتی ایجاباتندن اولارق یالکز بر ویا ایکی بعد اوزرینه حرکت ایدم بیلر . اکر دماغمزده موجود اولان قوا و حواس خمسهدن باشقه بر قوه حاسه ده انکشاف ایتسه ادراکمزک چنبری کنیشه لر و عرفانک نفوذی درینله شیر و مدرکاتمزک ماهیتی ده ازیاده تنور ایدر . بومب حنده افلاطونک کهف کنایه سی ذکر ایدم جکنر تا که حقیقتک توضحه براز یاردم ایتسن .

بر مغاره دروننده چو جققلرندن بری زنجیر بند بر طاقم اسیرلر فرض ایدیکز : بر صورتده که بونلر بر طاقم روابط مادیه ایله مغاردنک نهایتی تشکیل ایدن دیواردن باشقه بریری کورمه موفق اولاماسونلر . بونلرک آرقه طرفلرنده و اوزاقدی بیوک بر آتش یاقیلیمش اولسون ؛ و بو آتش ایله اسرا میاننده بر سپر ایله تفریق ایدیلش بر بولدن ، یکدیر ایله قونوشان و باشلرنده نخته و یا طاشدن معمول انسان و حیوان هیکلرینی طاشیان بر طاقم آدملر مهادیا کلوب کچسون . بروجه ایله که سپرک اوزرندن بو آدملرک یالکز یا شلرنده طاشیدقلری شیر کورولسون . بو اسیرلر یالکز مغاردنک نهایتده کی دیوار اوزرنده بوشیلرک متحرک بر طاقم کولکه لرینی کورورلر ؛ فقط آرقه طرفدن کچن انسانلرک سسلرینک

عکس‌نمایی ده ایشیدر لر . بناءً عليه « ظل » ايله « عكس صورت » ك فوقده برماهيت حقيقيه اولماديغنى تخیل ايدر لر . اكر بونلردن برى تخیل ايديلهرك آتشك ضیاسنه طوغرو یوروپه‌جك اولسه بو بیچاره‌نك اولاكوزلری قاماشیر ، وعادتا شمشك ضیاسنه متحمل اولامایه‌جق درجه‌ده كوزلری كورلشیر . شمعی بو اسیر عالم حقیقته اجرا ایلدیكى شویاچتدن صوكر ارفقاسی یانه كلهرك اونلره كوردیكى حقیقتلری حكایه‌ایده‌جك اولسه ؛ شه‌سز آرقداشاری یونك سوزلرینه كوله‌جكلر و حكایه‌سیله‌ده اكلنه‌جكلر در .

ایشته شو عالم اسفل مادیانده زنجیربند طبیعت اولانلرك حالی‌ده عیناً بویله‌در عالم روحانیت و معنویت سیاحلرینك اخبار ایتدكلری عالم فسیخ نورانی‌یه واوراده‌كى اذواق واشواقه اینانمازلر چونكه اونلر آنجق وجود ظلی‌ی كورورلر وجود حقیقی‌ی مشاهده لطفندن محروم قالمشلر در .

یواقیت نام کتابده بیان اولندیغنه كوره : جتده حكم ؛ دنیا‌ده كینك عكسینه اولارق ارواحكدر . اهل جنتك اجسامی ارواحنده مندرج و مستور بولوناجق و ارواح احسامه ظرف اولاجقدر . ظهور و حكم ارواحكدر . بونك ایچون ملئكه و عالم ارواحك ایستدكلری صورتیه كیره بیلدكلری كی جتده اهل جنت دخی دیله‌دكلری صورتیه تحول ایدر لر . « مثالیه‌نك اعتقادینه كوره بتون حادثات قدرت‌الهییه مستنددر قدرت‌الهییه هرمكنه تعلق ایدم بیلر فیلسوف كچنلر بو كی معنویات و روحانیات قارشى منافی طبیعتدر دیه‌رك آموز سیلكه‌ر لر .

فقط : طبیعت نه‌در ؟

طبیعت « Buffon بوفون » . كوره ! خالق تعالی حضرتلری طرفندن اشیانك وجود یولماسی واشخاصك توالی ایلمتی ایچون تأسیس بیورلمش اولان « منظومه قوانیندر » طبیعت برشی‌دكلدر : چوتكه بو حلاله اوشی هرشی اولور ایدی . طبیعت برشخص‌ده دكلدر : نوزا بوشخص حاشا الله اولمق لازمكیردی . فقط طبیعت عظیم برزنده قوتی كی تصور اولونابیلر كه قدرت قاطره‌یه تابع اولارق هرشی احاطه و تحريك ایدر . اونك امریله اجرای تأثیره باشلادیغی كی الآن و دأئمه‌ینه اونك موافقت و رضاسیله اجرای تأثیر ایلر . ایشه بوقوت قدرت‌الهییه‌نك تجلی ایدن برجزیدر ، مصنوعات ؛ آثار جامده‌دن باشقه برشی اولمایان صنعت بشردن بستیون فرقلی اولان طبیعت بالذات قدرت قاطره‌نك

ابدی الحیاة بر اثری ، دائما فعال بر  
خادمیدر که هر شیء قولانی و دائمیا  
افنای سرمایه ایتمکسزین جالشیر .  
زمان ، مکان و ماده ؛ طبیعتک و سائط  
اجرائیه سی ؛ کائنات ده موضوعی ،  
حرکت ایله حیات ایسه هدف و غایه -  
سیدر لر . ، اکر طبیعت دیدکری  
بو منظومه قوانین ایسه بونک ده بر  
قادرو قیومک بنده فرمان بری و بر تابع  
مقادی اولدینی جهتله قدرت الهیه  
معارض اولارق برشی قبول و یارد

### ماہیہ درہ بلبل

بلبل ، نه کوزل اویدی سسک بنده کی آهه ؛  
بکزه تدی غروب افقی بر خسته نگاهه ؛  
کوز یاشلی بولوتلرده بورونمشدی سیاهه ؛  
ای باغری یانیق قوش ، اوتوشک قلبه ستمدر...

\* \*

صاپلاندی کلک قلبه عشقکده کی خنجر ؛  
بسته کله خیالم ابدیتلری اولچر ؛  
بر تر بهیه دونمشدی یشیل اورتولو مشجر ؛  
صاندم که سمانک بزی جذب ایتدیکی دمدر ..

فخرالدین عثمانیه

ایتمک صلاحیتی حائر اولمدینی تحقق ایدر .

دارالخلافة مدرسه سی : کلام مدرسلرندن

صبین شمیمی

ادبی

### بر داملا

دارالفنون روحیات مدرسی شکیبک افندی به ..

اون ایکی ییل اولور بختمه یار اولان گنجلگمک صوندینی الهی بر داملانک  
سر خوشی بم بکا مرکون باشمه بر عالمک افقارینی سیرایتدیرن سر خوشلق ، هر کسک عقلی  
البرکن بکا شعور و یردی .

وبن آیلیمقدن قاچان بر سر خوشیم ...

نه اسقولاستیک ادبیانک می و فرسک آب انکوری کی مغفل ، نه غریبک آقولی قدر  
مسکر او فنفورلردن قیمتی و میدن طاتلی .. جاذب و سیخار برشی ...

ایچدکن صوکره صیرمدم .. ؟ او ، بکاسرمک امتیازی و یردی .. اونک - پیک چوق  
صفحه لر و سرلر صاقلایان - خاری ایچنده نلر ، نلر کوردیم ...

\* \* \*